

### 0.0.1 catutthadevacutisuttam

1. atha kho bhagavā parittam nakhasikhāyaṃ paṃsum āropetvā bhikkhū āmantesi: "taṃ kiṃ mañña-tha bhikkhave, katamaṃ nu kho bahutaram, yo cāyaṃ mayā paritto nakhasikhāyaṃ paṃsu āropito, ayaṃ vā mahāpaṭhavī"ti.
2. "etadeva bhante, bahutaram yadidaṃ mahāpaṭhavī. appamattakoyaṃ bhagavatā paritto nakhasikhāyaṃ paṃsu āropito. saṅkhampi na upeti, upanidhimpī na upeti, kalabhāgampi na upeti, mahāpaṭhaviṃ upanidhāya bhagavatā paritto nakhasikhāyaṃ paṃsu āropito"ti.
3. evameva kho bhikkhave, appakā te sattā ye devā cutā manussesu paccājāyanti. atha kho eteva bahutarā sattā ye devā cutā niraye paccājāyanti. taṃ kissa hetu? adiṭṭhattā bhikkhave, catunnaṃ ariyasaccānaṃ katamesaṃ catunnaṃ? dukkhassa ariyasaccassa dukkhasamudayassa ariyasaccassa dukkhanirodhassa ariyasaccassa dukkhanirodhagāminīpaṭipadāya ariyasaccassa.
4. tasmātiha bhikkhave, "idaṃ dukkhanti" yogo karaṇīyo "ayaṃ dukkhasamudayo"ti yogo karaṇīyo "ayaṃ dukkhanirodho"ti yogo karaṇīyo "ayaṃ dukkhanirodhagāminī paṭipadā"ti yogo karaṇīyoti.